



TEZAU LITURGIC

5 IULIE

**SLUJBA
SF.CUVIOASE-MUCENIȚE
ELISABETA
TEODOROVNA
DE LA
MOSCOVA
I**



MOSCOVA, 2000



Мѣсяца Іулія въ 5 дѣнь СЛУЖБА СВЯТЫЙ ПРЕПОДОБНОМУЧЕНИЦЪ ЕЛИСАВЕТЪ

НА ВЕЛИЦЫЙ ВЕЧЕРНИ,

Блаженъ мужъ, 1-й антифонъ.

На Господи возвахъ, стихиры на 8, гласъ 4:

Богомудрая Елисавето, стяжавши дерзновение предъ Богомъ, моли за насъ грѣшныхъ рабовъ твоихъ, да отверзетъ уста наша недостойная, пѣти тебѣ похвальную пѣснь.

Отъ юности возлюбльши небеснаго Творца, прилѣжала еси поучатися въ молитвѣ и богомыслии, не вѣдуци еще истинныя вѣры православныя, и воспитана сродники своими въ инославнѣмъ ученіи, богато орошала еси душу свою словомъ Божіимъ, и пребыла еси вѣрна Христу Богу до конца.

Очи тѣлесныи отверзши въ странѣ Германскѣй, воспиталася еси въ неправой вѣрѣ присныхъ ти, чувство же душевное приведе тя съ супругомъ твоимъ въ Русь Православную, идѣже тебѣ

отверзо́уся о́чи духо́внѣи, и вкупѣ́ обрѣ́ла еси́
вѣ́ру и́стинную.

Гласъ 1. Подобенъ: Небесныхъ чиновъ.

На Руси́ обрѣ́ла еси́ бисеръ
безцѣ́нный,* преподо́бномученице
Елиса́вето,* правосла́вную вѣ́ру чи́стую,* ю́же
прі́яла еси́ всѣ́мъ се́рдцемъ твои́мъ и
ду́хомъ,* ны́нѣ же предстоя́щи Бо́гу на
небесѣ́хъ,* моли́ся Ему́ за на́съ грѣ́шныхъ и
неключи́мыхъ.

Отъ ю́ности вѣ́ра въ́ Бо́га
Всемо́ущаго,* угото́ва тя́ къ по́двигу любви́ и
милосе́рдія,* сего́ ра́ди прости́ла еси́ му́жа своего́
убі́йцу,* и преда́лася еси́ житію́ ино́ческому.

Покля́емся тво́ему по́двигу,* богому́драя
Елиса́вето,* и состра́ждущему
милосе́рдію,* восхваля́юще му́жество твоѐ предъ
мучи́тели* и да́же въ страда́ніи* те́плую любви́
къ бли́жнимъ.

Гласъ 3. Подобенъ: Вѣлія Креста́.

Прииді́те, празднoлю́бцы, хвалу́ прине́сѣмъ
преподо́бномучени́цѣ Елиса́вети, въ о́течествѣ́
ей гра́дѣ Дармштадтѣ́, воспои́мъ ю́ въ це́ркви
святы́я Ма́ріи Магдали́ны равноапо́стольныя.

Здѣ́ ма́лое ста́до правосла́вныхъ христі́анъ,
прино́ситъ ти пѣ́снь побѣ́дную.

Ны́нѣ ка́ется гра́дъ Москва́, имѣ́вый въ себѣ́
святу́ю оби́тель твою́, зане́ не возбу́днъ
разоре́нію ея́. Ма́рѳа же и Ма́ріа на небе́сѣхъ
ра́дуется, о́брѣтѣ́тъ тя съ вѣ́рною ти ино́кинею
Варва́рою, я́ко те́плѣи имѣ́ смолѣ́твенницы.

Сла́ва, гласъ 2, самогласе́нь:

Якоже́ многоцѣ́нное му́ро, кро́вь твою́
принесла́ еси́ Жениху́ твоему́ Христу́,
страстоно́сице свѣ́тая Есисавѣ́то, воздая́ніе же
прі́яла еси́ вѣ́нецъ не́тлѣнень отъ Не́го,
досточу́дная, моли́ся спасти́ся ду́шамъ на́шимъ.

И ны́нѣ, богоро́диче́нь догма́тикъ, гласъ то́йже:

Пре́йде сѣ́нь зако́нная, благода́ти прише́дши:
я́коже бо купи́на не стара́ше, опаля́ема, та́ко
Дѣ́ва роди́ла еси́ и Дѣ́ва пребы́ла еси́. Вмѣ́сто
сто́лпа о́гненнаго, пра́ведное возсі́я Со́лнце,
вмѣ́сто Моисе́я — Христо́съ, спасе́ніе ду́шъ
на́шихъ.

Вхо́дъ, проки́мень дне́ и чте́ніа три́:

[Проро́чества Иса́ина чте́ние. [Глава́ 43.]

Та́ко глаго́летъ Госпо́дь: всѣ́ язы́цы собра́шася вкупѣ́, и собра́уться кня́зи отъ нихъ, кто́ возвѣ́ститъ сѣ́я въ нихъ? Или́ яже отъ нача́ла, кто́ слы́шана сотвори́тъ ва́мъ? Да приве́дуть свидѣ́тели своя́ и оправда́тся, и да услы́шатъ, и да реку́тъ и́стину. Буди́те Ми́ свидѣ́тели, и Азъ Свидѣ́тель, глаго́летъ Госпо́дь Бо́гъ, и отро́къ, его́же избра́хъ, да позна́ете и вѣ́руете Ми́, и разумѣ́ете, я́ко Азъ е́смь; пре́жде Мене́ не бы́сть и́нъ бо́гъ, и по Мнѣ́ не бу́детъ. Азъ е́смь Бо́гъ, и нѣ́сть развѣ́ Мене́ спаса́й. Азъ возвѣ́стихъ и спаса́хъ, уничижи́хъ, и не бѣ́ въ ва́съ чу́ждый. Вы́ Мнѣ́ свидѣ́тели, и Азъ Госпо́дь Бо́гъ. И е́ще отъ нача́ла Азъ е́смь, и нѣ́сть отъ ру́къ Мои́хъ изба́вля́й; сотворю́, и кто́ отврати́тъ то? Си́це глаго́летъ Госпо́дь Бо́гъ, изба́вля́й ва́съ Святы́й Израи́левъ.

[Премуд́рости Соломо́ни чте́ние. [Глава́ 3.]

Праведныхъ ду́ши въ руцѣ́ Бо́жіей, и не прикосне́тся ихъ му́ка. Непщевани́ бы́ша во очесѣ́хъ безу́мныхъ умре́ти, и вмѣ́нися озлобле́ніе исхо́дъ ихъ, и е́же отъ на́съ шестви́е сокруше́ніе; они́ же су́ть въ ми́рѣ. Ибо́ предъ́ лицемъ́ челове́ческимъ а́ще и му́ку при́имуть, упова́ніе ихъ безсме́ртія испо́лнено. И вма́лѣ́ нака́зани бы́вшие, вели́кими благоде́тельствова́ни бу́дуть,

яко Богъ искуси я и обрѣте ихъ достойны Себѣ. Яко злато въ горниль, искуси ихъ и, яко всеплодіе жертвенное, пріять я. И во время посѣщенія ихъ возсіяють и, яко искры по стѣблю, потекутъ: судятъ языкомъ и обладають людьми, и воцарится Господь въ нихъ во вѣки. Надѣющіися Нань разумѣють истину и вѣрніи въ любви пребудутъ Ему, яко благодать и милость въ преподобныхъ Его и посѣщеніе во избранныхъ Его.

Премудрости Соломона чтеніе. [Глава 5.]

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради пріимутъ царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Пріиметъ всеоружіе — рвеніе свое и вооружитъ тварь въ мѣсть врагомъ. Облечется въ броня правды и возложитъ шлемъ — судъ нелицемѣренъ. Пріиметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ

станеть ѿмъ дѹхъ силы и, яко вѣхоръ, развѣеть ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащіи множества и гордящіися о народѣхъ языковъ, яко дана естъ отъ Господа держава вамъ и сила отъ Вышняго.

На литіи стихи́ра хра́ма, и святы́я, гласъ 8:

Богомудрая Елисавето, въ сѣрдцы твоѣмъ пріѣмши слово неложное: любите врагѣи ва́ша, добро творите ненавидящимъ васъ, — посѣтила еси въ темницѣ убійцу супру́га твоего́, и прости́ла еси́ ему́ грѣхъ князеубійства, прощѣніемъ всесоверше́ннымъ.

Въ юности оставивши страну́ свою́, возлюбѣла еси́ страну́ Россійскую, идѣже обрѣла еси́ бисеръ Цѣркве, Еди́ныя, Апѣстольскія, Правосла́вныя; жениха́ же земнаго лишѣвшись, не отврати́лася еси́ люде́й Россійскихъ, но Крѣстъ обя́ла еси́ Христо́въ, и путе́мъ тѣснымъ ко спасѣнію шѣствовала еси́.

Въ царскихъ черто́зѣхъ свѣтъ преходя́щій не прельсти́ тя, гибну́щею красо́тою своѣю, но оставивши вся́ и вмѣнивши умѣты́ бы́ти, послѣдовала еси́ Авра́аму праотцу: изше́дши изъ

до́му о́тчаго, и страны́ своея́ Герма́нскія, пришла́ еси́ въ зе́млю Ру́сскую, и о́брѣла́ еси́ свѣтъ Христо́въ немерца́ющій.

Сла́ва, гла́сь 6:

Преподо́бномученица Твоя́, Го́споди, Елиса́вета, я́же земна́го житі́я забвѣнію предаде́, о тѣ́лесныхъ же му́кахъ небре́гши, бу́дущія жи́зни ра́ди, и се́я наслѣ́дница яви́ся, тѣ́мже и со а́нгелы ра́дуется; ея́же моли́твами, да́руй на́мъ ве́лію ми́лость.

И ны́нѣ, богоро́диченъ, гла́сь то́йже:

Творе́ць и **Изба́витель** мо́й, **Пречи́стая**, Христо́съ Го́сподь изъ Твои́хъ ло́жеснъ проше́дъ, въ мя́ оболкѣ́йся, пе́рвыя кля́твы Ада́ма свобо́ди. Тѣ́мже Ти́, Всечи́стая, я́ко Бо́жіи Ма́тери же и Дѣ́вѣ вои́стинну, вопіе́мъ немол́чно: ра́дуйся а́нгельски, ра́дуйся Влады́чице, предста́тельство и покро́ве, и спасе́ніе ду́шъ на́шихъ.

На стихо́внѣ стихи́ры, гла́сь 8.

Подобѣ́нь: О, пресла́внаго чуде́се!

О, пресла́внаго чуде́се!* Я́ко звѣ́зда о́тъ за́пада,* преподо́бномучени́це Елиса́вето,* провозсі́яла еси́ на́мъ,* и прі́явши ино́ческій о́бразъ,* была́ еси́ пра́вило добродѣ́телей,* и мона́шествующихъ

утвержде́ніе,* по́стниковъ удо́брение.* Тѣмже
па́мять твою́ почита́емъ, досто́чудная.

Стихъ: Дивенъ Бо́гъ во святы́хъ Свои́хъ, Бо́гъ
Израи́левъ.

Елиса́вето, пресла́вная княги́не,* возлю́бивши
Хри́ста* послужи́ла еси́ Ему́ и при́снымъ
твои́мъ,* отложи́вши же ми́рскую оде́жду,* и
прия́вши а́нгельскій о́бразъ,* боголюбе́зныхъ
же́нь привела́ еси́* въ черто́ги небе́снаго Жени́ха
твоего́,* тѣмже твою́ па́мять пое́мъ,
досто́хвальная.

Стихъ: Въ це́рквахъ благослови́те Бо́га,
Го́спода отъ исто́чникъ Израи́левыхъ.

Му́ченическій вѣ́нецъ украша́етъ вели́кую
княги́ню* и до́брую нача́льницу
мона́шествующихъ,* злодѣ́ю всепро́щающую,* и
отре́кшуюся ми́ра сего́.* Укра́симъ ю́
многоплетѣ́ннымъ вѣ́нцемъ* пѣ́сней и пѣ́ній
на́шихъ,* и, подража́юще ей, принесѣ́мъ ми́лость
и по́двиги* въ да́ръ Хри́сту, Подвигонача́льнику
на́шему.

Сла́ва, гласъ 8:

Ино́чествующихъ и ми́рскихъ наста́вницу тя
почита́емъ, преподо́бномучени́це Елиса́вето, я́ко
твоею́ сте́зею пра́во ходи́ти позна́хомъ. Ма́рѣ и

Маріи подражати насъ учи́ла еси́, е́же любóвию къ Бо́гу и милосе́рдіемъ ходи́ти къ б́лижнему. Соверши́вши же течéніе твоё, сему́ и насъ наста́ви твои́мъ заступлénіемъ небéснымъ.

И ны́нѣ, богородиченъ, гласъ тойже:

Безневѣстная Дѣво, Яже Бо́га неизречénно зачénши плóтію, Мати́ Бо́га Вы́шняго, Твои́хъ рабóвъ мо́льбы пріими́, Всенепорóчная, всѣмъ пода́ющи очи́щеніе прегрѣшénій, ны́нѣ на́ша мо́ленія пріемлю́щи, моли́ спастися всѣмъ на́мъ.

Тропарь, гласъ 4:

Крóтость и смире́ніе и любóвь* всели́вши въ ду́шу свою́,* усéрдно послужи́ла еси́ страждущи́мъ,* страс́тотерпи́це свята́я княги́не Елиса́вето,* та́же съ вѣрою претерпѣ́ла еси́ страда́нія и сме́рть за Христа́,* купно́ съ иноки́нею Варва́рою.* Съ не́ю же моли́ о всѣ́хъ съ любóвию почита́ющихъ ва́съ.

Сла́ва, ны́нѣ, богородиченъ, гласъ тойже:

Е́же отъ вѣ́ка утаénное, и а́нгеломъ несвѣ́домое та́инство: Тобо́ю, Богороди́це, су́щимъ на земли́ яви́ся, Бо́гъ въ неслы́тномъ соединéніи воплоща́емъ, и крéстъ во́лею насъ ра́ди воспри́имъ, имже́ воскреси́въ перво́зданнаго, спасе́ отъ сме́рти ду́ши на́ша.

**Аще бдѣніе совершается: тропарь дважды, и
Богородице Дѣво, единойды.**

**НА УТРЕНИ,
На Богъ Господь: тропарь
преподобномученицы дважды. Слава, и
нынѣ, богородиченъ.
По 1-мъ стихословіи съдаленъ, гласъ 8:**

Отъ юности Бога возлюбила еси и земное
отечество оставила еси, принеся себе въ
жертву Богу Живому, Елисавето,
преподобномученице, сего ради вопіемъ ти:
моли Христа Бога, согрѣшеній оставленіе
даровати чтущимъ любовію память
твою. [Дважды.]

Слава, и нынѣ, богородиченъ:

Владычице, Пресвятая Богородице, моли Сына
Твоего и Зиждителя, яко да покаянія ради о
содѣянныхъ лютыхъ, пріиметъ моленія рода
нашего, яко единъ Благоутробенъ.

По 2-мъ стихословіи съдаленъ, гласъ 4:

Надъ страстьми плотскими царствующи,
страстьми животворными воцарилася еси,
твоєю кровію обогрѣвши, честная, одежду

нетлѣнну, Елисавето, тѣмже Всецаря невѣста
явилася еси. И нынѣ на небеси дерзновѣніе
стяжавши, моли даровати согрѣшеній очищеніе
вѣрою хвалящимъ святую память
твою. **[Дважды.]**

Слава, и нынѣ, богородиченъ:

Обновила еси, Чистая, Божественнымъ
Рождествомъ Твоимъ истлѣвшее во страстѣхъ
мѣртвенное существо земнородныхъ, и
воздвигла еси ны отъ смѣрти къ животу, тѣмже
Тя по долгу ублажаемъ вси, Дѣво
Пренепорочная.

Поліелѣй и величаніе:

Величаемъ тя, страсотѣрпице святая княгине
Елисавето, и чтѣмъ святую память твою, ты бо
молиши за насъ Христа Бога нашего.

Псаломъ избранный [общій мученицамъ]:
Богъ намъ Прибѣжище и Сила, Помощникъ въ
скѣрбехъ, обрѣтшихъ ны зѣло.

По поліелѣи съдаленъ, гласъ 1:

Погрѣбши страстей все востаніе любовію ко
Христу Всецарю, преподобномученице
Елисавето, жизнь безконечную пріяла еси по
смѣрти лютой отъ рукъ безбожныхъ, тѣмже

днёсь Христо́ва Це́рковь пра́зднуеть твою́
досточу́дную па́мять. [Два́жды.]

Сла́ва, и ны́нѣ, богоро́диченъ:

Наста́ви на́съ на пу́ть пока́янія, уклоня́ющихсѣ
къ злы́мъ дѣло́мъ, неискусобра́чная
благослове́нная Дѣ́во, прибѣ́жище чело́вѣковъ,
моля́щихсѣ Тебѣ́.

Та́же степе́нна, 1-й антифо́нъ 4-го гла́са.
Проки́менъ, гла́съ 4: Диве́нъ Бо́гъ во свѣты́хъ
Свои́хъ, Бо́гъ Изра́илевъ. Стихъ: Въ це́рквахъ
благослови́те Бо́га, Го́спода отъ исто́чникъ
Изра́илевыхъ. Вся́кое дыха́ніе да хва́литъ
Го́спода. Ева́нгеліе отъ Матѳе́я, зача́ло 62.

По 50-мъ псалмѣ́ стихи́ра, гла́съ 6:

Вѣлію вѣ́ру и дивну́ю любо́вь ко враго́мъ
стяжа́ла еси́, преподо́бномуче́нице Елиса́вето, во
испыта́ніихъ на Бо́га надѣ́ющихся и во
страда́ніихъ мучите́лей не осужда́ющи, и
помога́ющи бли́жнимъ твои́мъ. Тѣ́мже и за на́съ
моли́ Всеблага́го Бо́га, да пода́стъ на́мъ
оста́вленіе грѣ́ховъ и вѣлію ми́лость.

Кано́нъ Богоро́дицѣ́, со ирмосо́мъ на 6,
гла́съ 8: Во́ду проше́дь... И
преподо́бномуче́ницѣ́ два́ канона́ на 8.
Творе́ніе Ма́рково.

Канонъ преподобномученицы, гласъ 2. Пѣснь 1.

Ирмосъ: *Грядѣте людѣ, поѣмъ пѣснь Христу Богу, раздѣльшему море и наставьшему люди, яже изведе изъ рабѣты египетскія, яко прославися.*

Отвѣрзи ми, Христѣ, устнѣ, воспѣти подвиги угодницы Твоея, преподобномученицы Елисаветы, да молитвами своими облакъ разоритъ моего невѣдѣнія.

Возлюбивши Бога отъ всея души твоея, Тому отъ юности послужила еси, преподобномученице, вся лѣта живота твоего, тѣмже и прослави тя: вѣсть бо Господь славящія Его прославляти.

Нынѣ, преподобномученице Елисавето, съ лики пророкъ и апостолъ, мученикъ же и преподобныхъ, во свѣтъ Святыя Троицы соводворяющися, поминай чада твоя, вѣрою творящія память твою.

Богородиченъ: **З**ачала еси Слово Отчее, плоти соединившееся изъ Тебѣ, Божественныя впостаи не оставль, Мати Чистая; Егоже возжелавши преподобная Елисавета, мученія славу стяжала естъ.

Инъ канонъ, гласъ 4. Пѣснь 1.

Ирмосъ: *Моря чермную пучину, невлажными
стопами, древній пшешествовавъ Израиль,
крестообразными Моисеовыма рукама,
Амаликову силу въ пустыни побѣдилъ естъ.*

Благими надеждами утвердѣвся умъ твой,
преподобномученице Елисавето, и къ Богу
вознесѣся отъ кратковременныхъ, тебѣ во
обители въ молитвѣ и трудѣхъ пребывающей.

Съ любовію прихождѣ къ тебѣ,
преподобномученице честная, твоими мольбами
житейскія суеты мя спаси, и страстей моихъ
смущеніе утиши.

Мудростію и благодатію просвѣщшуся умѣ
твоемѣ, Елисавето, мучителей прещеній не
устрашилася еси, преподобномученице святая,
Божественною силою укрѣпляема.

Богородиченъ: **В**оплощагося изъ Тебѣ,
Богоневѣсто, и крестъ и смѣръ пріимшаго,
познахомъ яко Господа и поемъ Его яко
Избавителя рода нашего, Тя ублажающе.

Катавасія: Отвѣрзу уста моя...

Пѣснь 3.

Ирмось: *Лѹкъ сокруши́йся си́льныхъ держа́вою Твое́ю, Христе́, и си́лою немоу́ществу́ющеи препоя́сашася.*

Нача́ло житі́я твоего́ земна́го положи́ла еси́ во гра́дѣ Дармштадтѣ, идѣ́же благочесті́вый ца́рь-мучени́къ святы́й равноапо́стольны́й Ма́ріи Магдали́нѣ хра́мъ созда́.

Упоко́еніе вѣ́чное обрѣ́ла еси́ въ оби́тели то́я же святы́я, во святы́мъ гра́дѣ Іеру́сали́мстѣмъ, бли́зъ це́ркве Успе́нія Пресвяты́я Богоро́дицы, ю́же всѣ́мъ се́рдцемъ твои́мъ возлю́би́ла еси́.

Здѣ́ ны́нѣ, въ Геосима́нстѣй оби́тели, храня́тся святы́я мо́щи твоя́, імже мы́ недостойніи и неключи́ми раби́ твои́ благоче́стнѣ́ покланя́емся.

Богоро́диченъ: **Е**ди́наго Невмѣ́стимаго Бо́га во Твое́мъ чре́вѣ прія́ла еси́, Пречи́стая Богороди́тельнице. Тѣ́мже мы́ вѣ́рнии вси́ пѣ́сньми Тя ублажа́емъ.

Инъ.

Ирмось: *Весели́тся о Тебѣ́ Це́рковь Твоя́, Христе́, зову́щи: Ты́ моя́ крѣ́пость, Го́споди, и прибѣ́жище, и утвержде́ніе.*

Отвёргши́ся мі́ра и плóти мудровáнія, милосѣрдіемъ и труды́ въ моли́твахъ обі́тели Ма́рѡы и Ма́ріи стяжа́ла еси́ Христа́, вкупѣ́ со сестра́ми, я́же тебѣ́ отъ Бо́га вручи́шася.

Я́ко сто́лпъ непоколебимъ́ стоя́ла еси́ во вре́мя тяжкихъ́ обстоя́ній, уби́йцу прости́вши и о мучи́телехъ моля́щися, кня́гине блаже́нная.

Ни о́гнь, ни ме́чь, ни уничиже́нія, ни ро́въ жесто́кій, ни мучи́телей суровство́ не возмо́гоша отлучи́ти тебе́ отъ любви́ Бо́жія.

Богоро́диченъ: Сло́во Отче́е, о Чи́стая, предочи́стивши́ся ду́хомъ, роди́ла еси́ на спасе́ніе поги́бшаго ро́да на́шего.

Сѣ́да́лень, гла́съ 7:

Страстоте́рпице свята́я кня́гине Елиса́вето,* егда́ ты живу́ во алапа́евскую ша́хту вверго́ша,* купно́ со свята́ми муче́ники ца́рскія кро́ве,* я́же бяху́ кня́зіе Сѣ́ргій, Иоáннъ, Константи́нъ, Иго́рь и Влади́миръ,* тако́жде муче́ница Варва́ра,* и свята́й муче́никъ Тео́доръ,* изнемога́ющимъ же надóлзѣ́ всѣ́мъ отъ ра́нъ,* облегча́ла еси́ е́ле жи́ва су́щи страда́нія умира́ющихъ,* воспѣ́ваючи́ свяще́нная пѣснопѣ́нія, я́же слы́шаху́ мимоходя́щии.* Сего́ ра́ди мо́лимъ́ тя: моли́ся Христу́

Бо́гу* прегрѣше́ній оста́вленіе дара́вати
 праздну́ющимъ любо́вію святу́ю па́мять
 твою́. [Два́жды.]

Сла́ва, и ны́нѣ, богоро́диченъ, гласъ то́йже:

Егда́ предста́ну предъ лице́мъ Созда́теля моего́,
 въ де́нь пра́веднаго Суда́ Его́, тогда́, Влады́чице,
 бу́ди ми́ ходата́ица предъ Нимъ, вѣ́чныя му́ки
 изба́вляющи мя́, да не сні́ду во а́дъ, но да
 спасу́ся Твои́мъ, Пречи́стая Богоро́дице,
 заступле́ніемъ.

Пѣ́снь 4.

Ирмо́сь: Услы́шахъ, Го́споди, сла́вное Твое́
 смотре́ніе и просла́вихъ, Чело́вколю́бче,
 непости́жимую Твою́ си́лу.

Поста́вивши но́зѣ твоѣ́ на ка́мени чи́стыя вѣ́ры
 правосла́вныя, непоколе́блема пребыла́ еси́ отъ
 искуше́ній и наві́товъ безбо́жныхъ гони́телей
 твои́хъ.

Отъ вдовства́ твоего́ возлюби́ла еси́ пребыва́ти
 въ до́мѣ Госпо́дни, основа́вши оби́тель въ
 ца́рствующемъ гра́дѣ Москвѣ́ служе́нія дѣ́ля
 бли́жнимъ.

Удали́лася еси́ отъ мі́ра су́етнаго сего́ во святу́ю
 оби́тель Ма́рѣы и Ма́ріи, во е́же пѣ́сньми

непреста́нными и моли́твами стра́сти телѣсныя
всѣ́ упраздни́ти, да до́брѣ послу́жиши Бо́гу и
бли́жнимъ, съ со́нмомъ единомудренныхъ ти
же́нѣ.

Богоро́диченъ: Ты́ вѣ́рныхъ похва́ла еси́,
Богоро́дице, Безневѣ́стная, Ты́ предста́тельница,
Ты́ и прибѣ́жище христі́анъ. Моли́ Сы́на Твоего́ и
о на́съ, прибѣ́гающихъ къ покрóву Твоему́.

Инѣ.

Ирмосъ: *Вознесѣ́на Тя́ ви́дѣвши Цѣ́рковь на
Крестѣ́, Со́лнце пра́ведное, ста́ въ чи́нѣ́ своѣ́мъ,
достойно́ взыва́ющи: сла́ва си́ль Твое́й, Го́споди.*

Стра́хомъ Бо́жіимъ огради́вшись, Бо́гу
послужи́ла еси́, постомъ́ и жа́ждею смиря́ющи
тѣ́ло твоѣ́, моли́твою́ же чи́стою ду́шу твою́
просвѣ́щающи.

Яко́же честны́й би́серъ твоя́ мо́щи предлежа́тъ,
пода́юще разли́чная исцѣ́ленія́ съ вѣ́рою
приступа́ющимъ и моля́щимися.

Въ ча́сь мра́ка, одержа́щаго зе́млю Ру́сскую,
Госпо́дь тя́ призва́ на по́двигъ му́ченичества,
Ему́ же вѣ́рна была́ еси́ до конца́.

Богоро́диченъ: **Н**есквѣ́рная, небла́зная,
оскверне́нное моѣ́ се́рдце помышле́ньми

маловѣрія и лѣности возстаѣи къ моли́твѣ и
покая́нію, моли́твами Твои́ми.

Пѣснь 5.

Ирмо́съ: *Свѣ́та Пода́телю, и вѣ́ковъ Тво́рче,
Го́споди, во свѣ́тъ Твои́хъ повелѣ́ній наста́ви
на́съ: ра́звѣ бо Тебе́, ино́го Бо́га не зна́емъ.*

Пресвѣ́тлымъ вѣ́нцемъ увязе́на бѣ́вши,
предсто́йши престо́лу всѣ́хъ Ца́ря, тѣ́мже моли́ся,
преподобно́мученице Елиса́вето, о вѣ́рою и
любо́вию праждну́ющихъ святую́ па́мять твою́.

Зако́номъ Божѣ́ственнымъ повину́вшись,
зако́новъ грѣ́ховныхъ до конца́ уклони́лася еси́,
да Христа́ приобря́щеши, и сего́ ра́ди до́брѣ
потруди́лася еси́, вѣ́нценоси́це великоимени́тая.

Умъ и се́рдце отве́рзла еси́ къ вселе́нію
благода́ти, еди́наго Влады́ку при́яла еси́, и
вѣ́нецъ нетлѣ́нія обрѣ́ла еси́, сия́ющій свѣ́тлыми
свѣ́толи́тии и богаты́ми дарова́ніи.

Богоро́диченъ: **Тя́,** Богоро́дице Чи́стая, ору́жіе
непобѣ́димое на вра́ги предлага́емъ, Тя́
утвержде́ніе и наде́жду нашего́ спасе́нія
стяжа́хомъ.

Инь.

Ирмось: Ты́, Го́споди мой, Свѣтъ въ міръ пришёлъ еси́, Свѣтъ Святы́й, обраща́я изъ мра́чна невѣ́дѣнія, вѣ́рою воспѣва́ющія Тя́.

Боголѣпно бы́сть вои́стинну житі́е твоѣ́, челове́комъ и а́нгеломъ яви́ся сі́е любѣ́зно, слугѣ́ же сатани́нскихъ свирѣ́пству непристу́пно показáся.

На землѣ́ подви́завши́ся, всебогáтая, съ сестра́ми тво́ими о Бо́зѣ, и вре́менныя болѣ́зни претерпѣ́вши, ны́нѣ на небесѣ́хъ воздая́нія пріѣ́млеши со а́нгелы, мучени́це непобѣ́димая.

Презрѣ́вши благолѣ́піе мі́ра сего́, яви́лася еси́ наста́вница заблуж́дшимъ, и пристáнище вѣ́рно спаса́емымъ, тво́ими же крове́ми обагри́ла еси́ багряни́цу многоцѣ́нную, ё́юже ны́нѣ на небесѣ́хъ одѣ́яна, Жениху́ предсто́иши.

Богородиченъ: Превы́шша естества́ Бо́га плоти́ю породила́ еси́, Дѣ́во, я́коже Са́мъ восхотѣ́. Тѣ́мъ мы́ вѣ́рнии мо́лимъ Тя́, изба́виться на́мъ Рожде́ствомъ Тво́имъ вѣ́чнаго муче́нія.

Пѣснь 6.

Ирмось: Гла́съ глаго́ль моле́бныхъ отъ болѣ́зненныя, Влады́ко, души́ услы́шавъ, отъ

лю́тыхъ мя́ изба́ви: еди́нъ бо еси́ на́шего спасе́нія ви́новенъ.

Егда́ ра́ны тѣ́лесныя прія́ла еси́ отъ безбо́жныхъ уби́йцъ, во смире́ннѣй му́дрости сво́ей я́зву тяжкую возложи́ла еси́ врагу́, ражда́ющему сме́рть.

Егда́ ве́дяхуся на зако́лѣніе вкупѣ́ со вѣ́рною ти́ инокинею́ Варва́рою и вели́кими кня́зи, ты́ сохрани́ла еси́ духо́вную крѣ́пость, не отрѣ́кшися Христа́ Бо́га, Ему́же служи́ла еси́ истинно.

Яже въ ро́вѣ алапа́евствѣ́мъ услы́шавши уязвѣ́нныхъ стена́нія, съ любо́вію я́звы тѣ́лесныя ихъ обяза́вши, при́иди на по́мощь на́мъ, уязвѣ́ннымъ горды́нею и киче́ніемъ, и обяза́жи стру́пы лю́тыя ду́шъ на́шихъ.

Богоро́диченъ: **О** на́съ изъ Тебе́ Воплоще́ннаго, Дѣ́во Ма́ти, всегда́ моли́, благоче́стно Тя́ блажа́щихъ, изба́виться бѣ́дъ, и душе́тѣ́льных страсте́й и вѣ́чнаго муче́нія.

Инъ.

Ирмо́съ: **П**ожру́ Ти́ со гла́сомъ хвалѣ́нія, Го́споди, Це́рковь вопіе́тъ Ти́, отъ бѣ́совскія кро́ве очи́ишися, ра́ди ми́лости отъ ре́бръ Твои́хъ исте́кшею кро́вію.

Чѣстенъ сосудъ явилася еси́ Божѣственнаго Духа, носящи въ сѣрдцы твоѣмъ Божѣственныя ароматы, и улаждающи сердца́ вѣрно совершающихъ память твою́.

Силою Духа мысленныхъ волковъ чѣлюсти сокрушила еси́, преподобномученице Елисавето, зарю́ невечѣрнюю облистаючи, веди́ и насъ по стези́ неколебимыя любви́ Божіа.

Всю Сибирь прешѣдши въ тѣлеси́ мѣртвеннѣмъ, мощами́ своими́ посѣтивши страны́ дальнія, достигла еси́ во Святый градъ, въ обитель, юже искони́ возлюбила еси́.

Богородиченъ: Глаголовъ Божѣственныхъ послушлива была́ еси́, Богородице Пречистая, и Пребезначальнаго Слова́ плотию́ родила́ еси́, безсловесія́ насъ избавляшаго.

Кондакъ, гласъ 4:

Отъ славы́ цѣрковныя,* взѣмши крѣсть Христова,* прешла́ еси́ къ славі́ небеснѣй, молящися за враги,* и обрѣла́ еси́ радость вѣчную,* святая́ мученице княгиніе Елисавето,* съ Варварою мученицею,* тѣмже молите о душахъ нашихъ.

Икосъ:

Возлюбивши Христо́вы заповѣди, преподобномученице, и возненавидѣвши міра сего наслажде́ніе, притекла́ еси́ усердно́ ко Го́споду, и просвѣща́ющи зе́млю Ру́сскую блиста́ніемъ духо́внымъ, привела́ еси́ къ Нему́ стадо́ дѣ́въ, наста́вленныхъ тобо́ю въ любви́ Бо́жіей. Просвѣти́ наши́ о́чи серде́чныя, во е́же воспѣ́ти по́двиги твоя́, проще́ніе, бдѣ́ніе, слѣ́зы, бо́лѣзни, сострада́ніе, блаже́нныя ра́ди жи́зни вѣ́чныя, ея́же ны́нѣ наслажда́ющися, непреста́нно моли́ о душа́хъ на́шихъ.

Пѣснь 7.

Ирмо́сь: *Образу злато́му, на по́ль Деи́ръ служи́му, тріе́ Твои́ о́троцы небрего́ша безбо́жнаго велѣ́нія, посредѣ́ же огня́ ввержени, ороша́еми, пояху: благослове́нъ еси́, Бо́же оте́цъ на́шихъ.*

Къ Свѣ́ту незаходи́мому возше́дши, я́ко со́лнце просвѣща́еши вселе́нную, дѣ́ла бо свѣ́та соверши́ла еси́, тѣ́мже просвѣща́й и на́съ недостойныхъ ны́нѣ зову́щихъ: оте́цъ на́шихъ Бо́же, благослове́нъ еси́.

Еди́ному Бо́гу возложивши́ ду́шу и помышле́ніе, тѣ́сный пу́ть шествовала́ еси́,

тѣмже получи́ла еси́ небѣснаго Царстві́я наслажде́ніе, и ны́нѣ вызы́аеши: оте́ць на́шихъ Бо́же, благослове́нь еси́.

Сія́ючи луча́ми благода́ти, преподо́бномучени́це Елиса́вето, испроси́ и на́мъ, соверша́ющимъ свѣ́тлый пра́здникъ тво́й, оста́вленіе грѣ́ховъ, пою́щимъ: Бо́же оте́ць на́шихъ, благослове́нь еси́.

Богоро́диченъ: Ра́дуйся, зове́мъ Ти́, вкупѣ́ съ Гаврі́иломъ, Пречи́стая, Преблагослове́нная, моли́ Сы́на Твоего́, да моли́твами Твои́ми спасе́тъ ду́ши на́ша.

Инъ.

Ирмо́сь: *Въ пе́щи, авра́мстѣи о́троцы, персидстѣи, любове́ю благоче́стія па́че, не́жели пла́менемъ, опаля́еми, вызы́аху: благослове́нь еси́ въ хра́мъ сла́вы Твоея́, Го́споди.*

Свѣ́тъ непристу́пный досто́йно просвѣ́ти ду́шу твою́, Елиса́вето преподо́бномучени́це, и свѣ́щами свѣ́тлыми озари́ пою́щія: Бо́же оте́ць на́шихъ, благослове́нь еси́.

Терни́стый пу́ть земна́го житі́я проше́дши, ма́ти преподо́бная, небѣснаго наслажде́нія дости́гла еси́, и ны́нѣ со а́нгелы лику́еши: Бо́же оте́ць на́шихъ, благослове́нь еси́.

Христа́ возлюбивши всѣмъ сѣрдцемъ твоимъ, въ свѣтлѣйшій черто́гъ небеснаго Жениха́ вселилася еси́, богоблаже́нная, и я́ко мученица непобѣди́мая Тому́ зове́ши: Бо́же оте́цъ на́шихъ, благослове́нь еси́.

Богоро́диченъ: Хра́мъ свяще́нія су́щи, Всенепоро́чная, во святы́хъ Почива́ющаго родила́ еси́ Всесвята́го Бо́га, вся́ освяща́ющаго, и лю́тыхъ изъима́ющаго.

Пѣснь 8.

Ирмо́съ: *Въ пе́щъ о́гненную ко отроко́мъ евре́йскимъ снизше́дшаго, и пла́мень въ ро́су прело́жшаго Бо́га, по́йте дѣла́, я́ко Го́спода, и превозносите во вся́ вѣки.*

Дне́сь просія́ пресвѣтлая па́мять твоя́, Елиса́вето преподо́бномученице, кня́гине свята́я, я́же ны́ созываетъ на торже́ство, е́же просла́вити терпе́ніе твое́, имже подви́залася еси́ со ины́ми мученики, въ ро́вѣ алапа́евствѣмъ бы́вшими, и Христу́ возопі́ти: благослови́те вся́ дѣла́ Госпо́дня, Го́спода.

Я́ко свѣ́тъ возсія́ изъ мра́ка лю́таго безбо́жія пра́здникъ тво́й, новоявле́нная преподо́бномученице. Ты́ же свѣ́томъ любве́

твоея́ просвѣща́й и на́съ, вопі́ющихъ:
благослови́те вся́ дѣла́ Господня́, Го́спода.

Ца́рскія́ черто́ги оста́вивши, дости́гла еси́
черто́га небѣснаго, угото́ваннаго тебѣ́ Женихо́мъ
возлю́бленнымъ ти́ Христо́мъ, Егѡ́же ви́дящи,
зове́ши: благослови́те вся́ дѣла́ Господня́,
Го́спода.

Богоро́диченъ: Тебе́́ ра́ди, Пречи́стая
Богонѣ́весто, печа́ль преста́, и кля́тва войсти́нну
непло́дствомъ́ изнемо́же, и́ благослове́ніе
процвѣ́те вѣ́рнымъ во вѣ́ки.

Инъ.

Ирмо́съ: Ру́цѣ́ распросте́ръ Дани́илъ, льво́въ
зія́нія въ́ ровъ́ затче́; о́гненную́ же си́лу угаси́ша,
добродѣ́телию́ препоя́савшесѧ́, благоче́стія
рачи́тели о́троцы, взыва́юще: благослови́те, вся́
дѣла́ Господня́, Го́спода.

Волну́ющеся́ мо́ре напáстей мѹ́къ,
воздвизáемыхъ́ безбо́жными гонíteлями на вѣ́ру
Христо́ву, невредно́ преплы́ла еси́, и райскаго́
приста́нища́ дости́гла еси́, вопі́ючи:
священни́цы воспой́те, лю́діе превозно́сите во
вся́ вѣ́ки.

Я́ко пра́вды свѣ́ща возсі́явши, мра́къ безбо́жія
разсѣ́яла еси́, богомѹ́драя Елисаве́то, и ко́ Христу́

привела́ еси́ мно́жество же́нь боголю́бивыхъ,
вопи́ющихъ: свяще́нницы воспойте, лю́діе
превозносите во вся́ вѣки.

Пресла́вно просла́ви тя́ Боже́ственная
благода́ть, Елиса́вето княги́не съ Варва́рою
инокинею и мно́жайшими ины́ми мученики
но́выми, и свѣ́тло вопи́ти ва́сь научи́вши:
свяще́нницы воспойте, лю́діе превозносите во
вся́ вѣки.

Богоро́диченъ: Ка́пля Богото́чная, яже отъ
Тебе́ ро́ждшися, міръ освяти́вшая, Богоро́дице
Дѣ́во, ка́плю ми́лости ми́ источи́, освяща́ющую
ду́ши на́ша и помышле́нія.

Пѣснь 9.

Ирмо́съ: *Вѣсь еси́ желаніе, вѣсь сладость,
Слове́ Бо́жій, Дѣ́вы Сы́не, Бо́же бого́въ, Го́споди,
святы́хъ Пресвяты́й, тѣ́мъ Тя́ вси́ съ Ро́ждшею
велича́емъ.*

Вся́ въ Го́рній Іерусали́мъ устрѣ́мивши́ся,
преподобно́мученице Елиса́вето, оста́вила еси́
святы́я мо́щи твоя́ въ до́льнѣй Геосима́ніи, и дѣ́же
вы́ну сла́вятъ Бо́га, тя́ просла́вляшаго, въ
иночестѣ́мъ житі́и благочесті́выя сестры́ твоя́.

Жи́знь вѣ́чную, мучени́це Христо́ва, прилѣ́жно
стяжа́ла еси́, мучени́ческими кровя́ми сія́ющи

издалѣча, тѣмже и на прѣзѣдникъ твоѣй зовѣши ны, начальнице монашествующимъ, святая Елисавето.

Моли́твами твои́ми, невѣсто Христо́ва богоизбра́нная, разрѣши́ ми согрѣше́ній плени́цы, и страсте́й мои́хъ мглу́ разори́.

Богородиченъ: Свѣтъ блиста́нія Рожде́ствомъ Твои́мъ возсія́, и просвѣти́ всю́ подсолнечную, и предста́теля тьмы́ погуби́, Богороди́тельнице Всечи́стая, непреста́нными гласы́ всѣмъ восхваля́ющимъ Тя́.

Инъ.

Ирмо́съ: Ка́мень неруко́стный отъ нескóмыя горы́ Тебе́, Дѣ́во, краеуго́льный отсѣ́ся, Христо́съ, совокупі́вый разстоя́щая естества́. Тѣмъ, веселя́щися, Тя́, Богороди́це, велича́емъ.

Добродѣ́тельми мно́гими укра́шена, челове́коненави́стника ко́зни погуби́ла еси́, ко Христу́ любви́ю прилѣ́пивши́ся, и христолю́биць сонмъ къ Бо́гу приве́дши.

Совокупі́вшись съ беспло́тными ли́ки, сла́вная, и со страда́льческими собо́ры, моли́ Христа́ Бо́га о отступльши́хъ и ненави́дящихъ Его́.

Страны́ разли́чны прешла́ еси́ въ житі́и твоёмъ
вре́меннѣмъ, и ны́нѣ блиста́нии Ду́ха
просвѣща́еши насъ, во мно́зѣхъ гра́дѣхъ и
обите́лехъ тя сла́вящихъ.

Богоро́диченъ: Гласъ вопіе́мъ Ти́ всі́
а́нгеловъ, Дѣ́во, Пала́то, и Престо́ле Бо́жій:
ра́дуйся, Ею́же сподо́бихомся небе́снаго
Ца́рствія, дре́вле отринове́ннии тла́ніемъ, и
добро́ту пе́рвую несмы́сленно погуби́вши.

Свѣти́ленъ:

Укрѣ́пльшися, преподо́бномуче́нице,
Елиса́вето, Кресто́мъ Го́спода твоего́, мучи́телей
горды́ню погуби́ла еси́, пострада́вши му́жески, и
отъ Христа́ прія́ла еси́ по́чести вѣне́ць, о насъ
моля́щи, тя почита́ющихъ любове́ю. **[Два́жды.]**

Сла́ва, и ны́нѣ, богоро́диченъ:

Стоя́ще о́крестъ Тебе́ дѣ́вы богому́дрыя,
Богороди́тельнице Ма́ріе, я́ко Цари́цѣ ро́да,
Твоему́ Сы́ну приве́дѣшася, Пречи́стая, я́ко
Царю́ вся́ческихъ, Его́же, Ма́ти Дѣ́во, о насъ
умоли́.

На хвалѣтехъ стихиры на 4, гласъ 8.
Подобенъ: О, преславнаго чудесѣ!

Яко на ка́мени твёрдѣ* во исповѣданіи Бо́жіи
 извѣстѣвши́ся,* Елиса́вето свѣта́я съ
 Варва́рою,* пострада́ла еси́ въ ро́вѣ
 алапа́евстѣмъ,* тѣмже мы́сленнаго уби́йцу
 врага́* въ безднѣ́ потопи́ла еси́,* и вѣ́нецъ
 побѣ́дный* досто́йно прія́ла еси́.

Па́мять твою́ священную соверша́емъ,* я́ко
 приѣ́мшую лю́бовь Христо́ву,* и То́го
 повелѣ́нія,* и проповѣ́давшую,
 преподо́бномученице,* ду́шамъ спасе́ніе.* Тѣмже
 мо́щей твои́хъ ра́ку, Елиса́вето,* вѣ́рою
 облобыза́емъ,* источа́ющую благода́ть
 неоску́дную,* вѣ́рою и лю́бовію притека́ющимъ.

Блаже́нъ Свѣ́тый гра́дъ и оби́тель
 Геосима́нская,* въ ню́же дости́гли
 естѣ́,* преподо́бномученице Елиса́вето съ
 инокинею Варва́рою,* честны́й же хра́мъ тѣлеса́
 ва́ша восприѣ́мый,* я́ко вѣ́нцемъ ца́рствія
 украси́ся,* храни́тельницы
 благопри́ятныя,* враги́ устраша́ющія* и далѣ́че
 отъ оби́тели и гра́да ва́шего отгоня́ющія,* мо́лите
 спасти́ся ду́шамъ на́шимъ.

Въ кня́жествѣ́ гра́дъ Дармшта́дтъ пу́ть сво́й
 начѣ́вши,* въ ца́рствующій гра́дъ Москв́у

достигла еси,* сѣрдцемъ же и умомъ взирающе на горній Іерусалимъ,* учредила еси обитель Марѣи и Маріи.* Егда же въ мѣртвеннѣмъ тѣлеси твоємъ* инъ путь чрѣзъ Сибирь и Китай пріяла еси* якоже принестися мощемъ твоимъ въ дольний Іерусалимъ,* и во обители Маріи Магдалины возложитися,* о, славо мучениковъ и похвало, Елисавето приснопамятная!

Слава, гласъ 3:

Днесь празднлюбныхъ собори сошедшеся, радостнымъ лицемъ и чистымъ сѣрдцемъ, духовнѣ составимъ ликъ, похваляюще Христа, Бога нашего, прославляющаго святыя Своя страстоносицы: великую княгиню Елисавету съ инокинею Варварою, яко многоцѣнное мѣро — кровь свою принѣсшія Жениху своему Христу, и воздаяніе пріявшія вѣнецъ нетлѣненъ отъ Него, преподобномученицы досточудныя.

И нынѣ, богородиченъ, гласъ тойже:

Безъ сѣмене зачала еси отъ Духа Святаго, и, славословяще, воспѣваемъ Тя: радуйся, Пресвятая Дѣво.

Славословіе великое.

**Тропа́рь преподо́бному́ченицы.
Сла́ва, и ны́нѣ, богоро́диченъ.
Екте́ній и отпу́сть.**

НА ЛИТУРГІИ

**Блаже́нна отъ канона пѣснь 3-я и 6-я.
Проки́менъ, гласъ 4: Тебе́́ ра́ди,
Го́споди,* умерщвля́еми есмы́ вѣсь де́нь. Стихъ:
Вмѣ́нихомся́ яко́ овцы́ заколе́нія. Апосто́лъ къ
Рѣ́мляномъ, зача́ло 99. Аллилу́ія, гласъ 1.
Бо́гъ на́мъ прибѣ́жище и си́ла, помо́щникъ въ
ско́рбѣхъ обрѣ́тшихъ ны́ зѣло. Стихъ: Го́споди,
спаси́ ца́ря и услы́ши ны́, въ о́ньже а́ще де́нь
призове́мъ Тя́. Ева́нгеліе отъ Іоа́нна,
зача́ло 52. Прича́стенъ: Въ па́мь вѣ́чную
бу́детъ пра́ведникъ, отъ слуха́ зла́ не убо́ится.**

**Источни́къ: Служба́ святы́й
преподобному́ченицѣ́ Елиса́ветѣ. Съ
приложе́ніемъ житі́я преподо́бному́ченицы
Елиса́веты. — Мюнхенъ: Изда́ніе оби́тели
преподобнаго Іова Почаевскаго, 1998. — 12 л.**